

آنادولو مجموعه سی

هندو کجارت

اصل حقیقت	محمد خالد
جون دووهی	ضیاء الدین فخری
آنادولو اقلیمی	ابراهیم مقلی
ضیا کوك آلپ	احمد خلیل
آتیه مه	اسماعیل نامی
یادک	شرف
شتریندبرغ	حسن جمیل
آنادولونک فتحی	مکرمین خلیل
دام لوغلایان کلینه	محمود مظفر

آیاک ایزلی : رشته توران جمعیتی - کیم ایچون ،
نه ایچون ؟ - آیدینلده برظلمت .

یادگار طبعی

اینگان مجاده نینده رزمیندا اقلیتی نجاته

آنادولو مجموعه سی

آیه برنسر اولونور

صای : ۸

تشرین ثانی ۱۳۴۰

سنه : ۱

مصاحبه

اصل حقیقت

تاریخیمزك ، شیمدییه قدار دائما یاكلش تدقیق ایدیلش ، یاكلش آكلاشیلش ایکی جهتی واردر : بونلردن بری ، ملتیمزك ، تورك عرقی آراسنده خصوصی بر بنیه ، دیکری ، وطنیمزك ، عمومی تورك یوردی ایچنده آیری بر کوشه تشکیل ایتش اوله لریدر .

فی الحقیقه اسکی مورخلرجه ، آنادولویه کلن توركلر ، فی سبیل الله جهاد ایچون یایراق آچان بر اردو ؛ آنادولو ، بونلرك بالاآخره یرلشدکلری بردار الجهاد فرض اولونمشدر . اسکی مورخلرك بویاكلش محاکمهلری ، عصرلرجه ، ملتیمزك مستقل بر وجود ، وطنیمزك مستقل بر یورد اوله لرندن عبارت ایکی بویوك حقیقی کولکله مش ، اورتمش ، صاقلامش ، هرکسه مجهول براقشدر .

باشده بویوك تورکمن پادشاهی آلپ آرسلان اولدینی حالده آنادولوی استیلا ایدن توركلر ، شهه سزکه ، بورایه اوله جهاد مقصدیه کلدیله . فقط صوکره ، متقدم فتح تشبیلرینك تورکله شدیردیکی بو محیطده معظم بر دولت قوردیلر ، یکباره بر ملت حاله آلدیله . کیم نه دیرسه دیسین ، تورك استیلا سندن صوکره آنادولوده تأسس ایدن دولت ، باشلی باشنه دوغان و انکشاف ایدن بر عضویتدر . تاریخمزی علمی بر طرزده وعلاقه دارلقه تتبع ایدمه ینلر ، استیلای تعقیباً آنادولوده تشکل ایدن سیاسی مؤسسه یی داها اول ایرانده میدان کتیریلن سلجوقی دولتیله مناسبتدار ظن ایدمه یلیرلر . لاکن مدقق برکوز ، تاریخمزه بنمسه یهرك انعطاف ایدمه رسه کورورکه ، ایرانده کی سلجوقی سرایله ، آنادولوده کی سلجوقی سرایی آراسنده عائلوی بر قرابتدن ماعدا ، هیچ بر

رابطه یوقدر . تماماً مستقل بر وارلق عرض ایدن آنادولوسلچوق دولتی ، تملی و بناسی کندینه مخصوص بر احتشامدر .

فتحدن اول بر دارالجهاد ایکن ، فتحدن صوکر ا تورکر ایچون آنادولو ، وطن اولدی . حدودی ، وسعتی معین اولان بو وطنده یاشایان ملت ، آنادولو ملتیدر . اسکی مورخلریمزك بر درلو آکلامادینی بو ایکی حقیقت ، بو کونده هنوز بوتون اطرافیه کورولش ، قبول ایدیش دکدر .

آنادولوی استیلا ایدن تورکر ، اوغوز تورکری ، تعبیر دیکرله ، تورکنلردر . بونلر آنادولویه کدکری زمان ، بوراسنی او قدر چابوق ، اوقادار قوتله تورکله شدیردیلرکه ، کورن ، دنیا یاراتیلدیغندنبی آنادولوی تورک صانیردی . آنادولونك بوضولته سرعت و سهولته تورکله شمه سنه سبب ، معروض قالدینی استیلانك عسکر استیلاسی دکل ، ملت استیلاسی اولمه سیدی . آنادولوی فتح ایدن اردولر ، عسکری کتله لردن فضله ، یرملت کتله سی ایدی . بو کتله ده دین ، اخلاق ، عادت ، غننه ، لسان ، حیات و ماضی بردی . بو وحدت بر چنیع حالنده اسکی آنادولوی اورتدن قالدیریور ، یرینه یپ یکی بر آنادولو اقامه ایدیوردی . بویکی آنادولو ، طور اغیله ، طاشیله ، هوا سیله صویله ، کونشیله اسکی آنادولودن بوسوتون باشقه ، بوسوتون آیری ایدی . یکی آنادولو ، اسکی آنادولو کبی ، اوزرندن متعدد ملتلك سیلی آقان بر مجرا ، بر یکجید و بو اعتبار ایله جوغرافی بر مفهوم دکل ، بر وطن و بر تاریخی عنواندی . مختلف حربلرله ، ظفرلرله بو وطنك حدودلری چیزیلدی . شرقی ، غربی ، شمالی ، جنوبی بللی اولدی . تورک استیلا سندن صوکر ا جریان ایدن تاریخی وقعه لر ، آنادولونك حدودلرینی اودرجه صراحت و قطعیتله تعیین و تثبیت اتمشدرکه ، بو کون آرتق اونلرک دیکشمسی چوق ضعیف بر احتمال ایلده وارد و ممکن کورونمز . اوزرنده و اطرافنده جریان ایده جك هر هانکی یکی بر حادثه ، وطن آنادولونك حدودلرینی تبدیل ایتك قابلیتده دکدر . زمان زمان وقوعه کلن تاریخی حادثه لرك چیزدیکی آنادولو خریطه سنك کنار خطلرینی سیله جك و اوکا ده دار ویا ده کنش آیری بر چرچوه اعمال ایده جك بر ماجرایه آرتق تاریخمز شاهد اولیه جقدر .

وطن آنادولونك بحری حدودلرینی بوراده ذکر ایتك فضله در ، آنادولونك اوچ طرفنی طبیعت ، دکزلرله چویرمش ، اوندن آیری اولان طوپراق پارچه لرینی ، سرت ، کسکین قیلجیله کسه رك بر طرفه آتمشدر . بری حدودی ایسه ، آنادولو ، شرقاً

قارصده داخل اولدینی حالدہ قدیمآ اران دینلن و آراس نہرینک شمالندہ بولونان شمالی آذربایجان ؛ ارمنستان ، کورجستان ایلہ اسکی تاریخلردہ آذربایجان اسمی ویریلن و بوکونکی ایرانک آذربایجان ایالتی وجودہ کتیرہن اراضی ایلہ محدوددر . آنادولونک شرقی چویرہن بوحدود ، تشککندیری ثابت قلمش ، هیچ برصورتلہ تبدلہ اوغرامامشدر . بعضاً روس اردولرینک تغیر ایتک ایستہدیکی بوحدودی ، متعاقب حادثہلرینہ اصلیلہ یرندہ ابقا ایتشدر . آنادولونک جنوب حدودی دہ بویلہجہ تشکک ایتش ، قطعیشمشدر . بوحدودک طیشندہ قالان یرلر آنادولو صایلاماز . مع مافیہ ، استانبول [استرانجہدن اعتباراً استانبول شہ جزیرہ سنی تشکیل ایدہن اراضی] وکلیولی یاریم آداسیلہ آق دکیز آدلری آنادولونک لایفک توابغنددرلر . ایشتہ وطن آنادولو ، بوحدود ایچندہ مستقل بروجوددر .

مختلف تاریخی حادثہلر ، برطرفدن بوحدودی ، وسعتی معین وطنی ، وطن آنادولوی وجودہ کتیریرکن ، برطرفندہ بو وطن اوزرندہ برملت یاراتمش وایکیسنی بردها ایریلامق اوزرہ بربرینہ باغلامشدر . وطن آنادولودہ یاشایان ملت ، آنادولو ملتیدر . بووطنندہ ، بوملتک قوردینی دولترہ کلنجه ، بونلری برر بررالمق ، آیری آیری مطالعہ و تدقیق ایتک یا کلشدر . آنادولو ملتک آنادولودہ انشا ایلہدیکی سیاسی مؤسسہلر یکدیگری تعقیماً بربرینی تماملامشدر . سلجوق دولتی قرہمان ، آق قیونلی ، عثمانلی ... سلطنتلرینک مقدمہ سی ، عثمانلی سلطنتی دہ ، ینہ بونلرک باشقہ بر نام آلتندہ دوامندن عبارتدر . علاوہ ایدہلم کہ ، بوکونکی جمهوریتزدہ عثمانلی دولتنک برزیندن باشقہ برشی دکلدر . وطن آنادولودہ آنادولو ملتک میدانہ قویدینی بو مؤسسہلرہ ویریلہجک یکانہ اسم : آنادولو دولتیدر . اسکی تاریخ نویسار ، دولت مؤسسہ سنی خاندان اسملرینہ نسبتلہ یاد ایتک اعتیادندہ اولدقیری ایچون آنادولو دولتی ، شیمدی یہ قادار بر قاچ عنوان دہ کیشدیردی . سلجوقیلر زمانندہ سلجوقیلر دولتی ، عثمانلیلر دورندہ عثمانلی دولتی اولدی . اسکی تاریخ نویسارک فنا براعتیاد ایلہ آنادولو دولتنہ ویردکیری بواسملر اونوتولوب کیتمکہ محکومدر . اونوتولمہجق وابدی قالہجق یکانہ حقیقت : آنادولودہ کی دولت مؤسسہ لرینک بر آنادولو مؤسسہ سی اولہ سیدر . نہ آنادولو اردولرینک فتح ایلہ دکلری روم ایلی و قافقاس طوپراق لرینک بر زمانلر وطنمزہ ملحق بولومہ سی ، ندہ بوکون آنادولو حدودینک خارجندہ بر قسم اراضینک آنادولو دولتنہ تابع اولہ سی بو حقیقتی هیچ برصورتلہ تبدیل ایدہمز . آنادولو اردولری طرفدن فتح ایدیلن آنادولونک حدودلری

خارجنده کی اراضی ، آنادولونک مستملکه سیدر . بو اراضیده اوطورانلرک تورک اولمه لری ، اورالرک مستملکه اولمه لری نی ایجاب ایتز . ناصل که بو کون قانادا انکلیز مستملکه سیدر و قاناداده اوطورانلر انکلیز اولقله برابر قانادا انکلتره دکلدر .

وطن آنادولوده ، آنادولو ملتی طرفدن تأسیس ایدیلن دولتک بر « آنادولو مؤسسہ سی » اولدیغی قید ایتدک . شو حالده بو مؤسسہ یه اسم ویرمک ایستهرکن ، حقیقته کوز قاپایه رق ، سلچوقی ، عثمانلی دولتلی عنوانی کی ایکره تی ، مجرد ، حتی معناسز برآد طاقق جائز اولماز . دونکی سلچوقی و عثمانلی دولتلی قادار بو کونکی جمهوریتزده برآنادولو مؤسسہ سی ، بناء علیه اسمی « آنادولو جمهوریتی » در . بو جمهوریته تورکیه جمهوریتی دیمک ، اونک ماهیتی دیکشدریمکه تشبث ایتکدر . فی الواقع ، Turquie کله سی اسکی معاهده نامه لرده دولتزک عنوانی اوله رق قوللانیلمشدر . شو قادار که ، بونک ترجمه سی اولان « تورکیا » و « تورکیه » تعییرلری بری لاتینجه ، دیکری عربجه اویدورولش ایکی لنتدر . اسکیدن ، فرنکجه Turquie کله سی ، معاهده لریمزده « تورکستان » صورتنده ترجمه ایدیلش ، پادشاهلر بونی « بزکه تورکستان و ... مالکنک حکمداری فلانز ... » صورتنده استعمال ایلمشدر . بو حاله کوره ، تورکیه کله سی اسکیدن بری ملکتمزده بنسہ نمش بر تعییر دکلدر . هله بو تعییرک دولتزده علم اوله رق قبولی کیمسه نک خاطر و خیالندن بیله کچمه مشدر . مقدس آنادولو جمهوریتی بو تعییر ایله توسمه قالدیشمق ، بزجه ، شیمدی یه قادار اولانلره ضمیمه تاریخمزی ، صوک بردفعه ده تحریف ایتکدر .

محمد خالد



صوبہ دودھی [*]

فلسفہ و تربیہ سی

۳

خلاصه بو کونکی حیات قارشوسنده مکتب تماماً پس زنده بر حال عرض ایتکده در . موجود مسئله و مشهود وضعیت اوکنده یک حقلی اوله رق ، دووهی ، عصیان ایدیور . علمی نظریه لری ، طبیعی قانونلرک عملی حیاته مؤثر اوله رق کوز قماشدیریجی دیکشمه لری

[*] ماقبلی آنادولو مجموعه سنک ۶ و ۷ نجی نسخه لرنده در .